

京山縣志卷之十一

人物志

水滙山峙霞蔚雲蒸百行求備眾美成能顯晦或殊
鴻冥鳳升死生不二鶴歸蝶夢遺徽猶在景仰起興
志人物

宦績列傳

周

鬪穀於菟字子文生於邳楚成王時代子元為令尹未明
而立於朝日晦而歸食自毀其家以紓難三仕不喜三

京山縣志

卷之十一

宦蹟列傳

已不愠舉子玉為令尹悉告以舊令尹之政孔子嘗稱

之曰忠

湖北通志
人物列傳

鬪克黃令尹子文孫楚箴尹也楚滅若敖氏克黃使於齊
還聞亂其人曰不可以入矣箴尹曰棄君之命獨誰受
之君天也天可逃乎遂歸復命而自拘於司敗王思子
文之治楚國也曰子文無後何以勸善使復其所改名
曰生

申包胥相傳京山人春秋時為楚大夫與伍員友員將奔
吳辭包胥謂曰楚王殺吾父兄為之奈何包胥曰於乎

吾欲教子報楚則爲不忠教子不報則爲無親友也
曰我必覆楚包胥日子能亡之我能存之楚昭王十年
吳敗楚於柏舉遂入郢昭王出亡入雲夢包胥亡山中
使人謂子胥日子之報讎不已甚乎吾聞之人定者勝
天天定亦能勝人今子故平王之臣親北面而事之今
至於僂死人豈其無天道之極乎乃走秦乞師曰吳爲
無道行封豕長蛇以薦食上國虐始於楚寡君失守社
稷越在草莽使下臣告急曰吳滅楚則西與君接境若
隣於君疆場之患也逮吳之未定君其取分焉若以君

京山縣志

卷之十一

宦蹟列傳

二

靈撫之世以事君秦伯使辭焉曰寡君聞命矣子其就
館將圖而告對曰寡君越在草野未獲所伏下臣何敢
卽安裂裳裹膝倚於庭牆立哭日夜不絕水漿不入口
七日七夜秦哀公素沈湎不恤國是聞其言大驚曰楚
有賢臣如是吳猶滅之寡人無臣若斯者其亡無日矣
爲賦無衣之詩曰豈曰無衣與子同袍王于興師與子
同仇包胥九頓首而坐秦乃出師十一年包胥以秦師
至楚大敗吳師吳師乃歸昭王入郢王賞包胥包胥曰
吾爲君也非爲身也君旣定矣又何求遂逃賞惠王十

一年包胥聘於越越王問曰吳可伐邪包胥曰臣鄙於策謀未足以卜越王曰吳爲無道殘我社稷夷我宗廟以爲平原使不得血食吾欲與之徼天之衷惟是車馬兵甲卒伍旣具無以行之請問戰奚以而可包胥辭曰不知王固問乃對曰夫吳良國也能博取於諸侯敢問君之所以與之戰者王曰在孤之側者觴酒豆肉簞食未嘗敢不分也飲食不致味聽樂不盡聲求以報吳願以此戰包胥曰善則善矣未可以戰也王曰越國之中疾者吾問之死者吾葬之老其老慈其幼長其孤求以

京山縣志

卷之十一

宦蹟列傳

三

報吳願以此戰包胥曰善則善矣未可以戰也王曰越國之中吾寬民以子之忠惠以善之吾修令寬刑施民所欲去民所惡稱其善掩其惡求以報吳願以此戰包胥曰善則善矣未可以戰也王曰越國之中富者吾安之貧者吾予之求其不足裁其有餘使貧富皆利之求以報吳願以此戰包胥曰善則善矣未可以戰也王曰越國南則距楚西則薄晉北則望齊春秋奉幣玉帛子女以貢獻焉未嘗敢絕求以報吳願以此戰包胥曰善哉蔑以加焉然猶未可以戰也夫戰之道智爲之始以

仁次之以勇斷之不智則無權變之謀以別眾寡之數
不仁則不得與三軍同饑飽之節齊苦樂之善不勇則
不能斷去就之疑決可否之議於是越王曰敬從命矣
乃召范大夫曰昔吳爲不道蔑我宗廟夷吾社稷以爲
平原使不得血食欲徼天之衷兵革旣具無以行之吾
問於王孫包胥旣命孤矣

漢

朱鮪新市人王莽地皇三年與王匡等起兵北入南陽號

新市兵皆自爲將軍

文獻通考
封建門

共議立劉聖公四年二

京山縣志

卷之十一

官蹟列傳

四

月聖公卽帝位建元更始元年悉拜置諸將以王匡爲

定國上公王鳳成國上公朱鮪大司馬伯升大司徒後漢

書劉伯升部將劉稷聞更始立怒更始收稷伯升固爭

李軼與鮪因勸更始并執伯升害之後漢書齊二年二

月更始遷長安李松說更始宜悉王諸功臣鮪爭之以

爲高祖約非劉氏不王更始乃先封宗室後封王匡等

爲王以鮪爲膠東王鮪辭曰臣非劉宗不敢干典遂讓

不受乃徙鮪爲左大司馬使與李軼李通王常等鎮撫

關東劉秋赤眉入函谷關攻更始更始使鮪與李軼

等屯洛陽

見光武本紀

建武元年春光武拜寇恂爲河內太

守馮異爲孟津將軍以拒鮪等異遣李軼書召降軼報

之不復與異爭鋒異遂南下河南成皋諸縣具以奏聞

光武故宣露軼書令鮪知之鮪怒遂使人刺殺軼乃使

討難將軍蘇茂攻溫自將數萬人攻平陰以綴異異擊

茂破之因渡河擊鮪鮪走

後漢書馮異傳

六月光武卽帝位七

月使吳漢率朱祐及廷尉岑彭等圍洛陽

光武紀

數月

鮪等堅守不肯下帝以彭嘗爲鮪校尉令往說之鮪在

城上彭在城下相勞苦歡語如平生彭因曰彭往者得

京山縣志

卷之十一

宦蹟列傳

五

執鞭侍從蒙薦舉拔擢常思有以報恩今赤眉已得長

安更始爲三王所反皇帝受命平定燕趙盡有幽燕之

地百姓歸心賢俊雲集親率大兵來攻洛陽天下之事

逝其去矣公雖嬰城固守將何待乎鮪曰大司徒被害

時鮪與其謀又諫更始無遣蕭王北伐誠自知罪深彭

還具言於帝帝曰夫建大事者不忌小怨鮪今若降官

爵可保况誅罰乎河水在此吾不食言彭復往告鮪鮪

從城上下索曰必信請乘此上彭趣索欲上鮪見其誠

乃許降後五日鮪將輕騎誼彭顧救諸部將曰堅守待

我我若不還諸君可將大兵上轅轅歸郾王乃面縛與彭俱詣河陽帝解其縛召見之復令彭夜送鮪歸城明旦悉其眾出降拜鮪爲平狄將軍封扶溝侯後爲少府傅封累代

岑彭傳

宋

廖正一字明畧世家京山之竹林號竹林居士讀書鳳凰山中善屬文黃庭堅深器重之登元豐二年進士授華州司理叅軍累官端明殿學士出知常州蔡肇以啟謁之極其褒贊蘇軾左遷黃州圍練使而范純粹亦安置

京山縣志

卷之十一

宦蹟列傳

六

鄂州明畧與之交遊最善元祐二年同蘇軾黃庭堅典試明畧嘗代范純粹表一道文多不載黃庭堅贈之以詩其畧云將發沔鄂間盡醉竹林酒又曰平生思故人江漢不解渴又云竹林文章伯國士無與雙又云晚得廖子與往還學如雲夢吞八九又云廖侯言如不出口銓量古今膽如斗東坡書云遠去左右俯仰十年所幸平安復見天日公議皎然榮辱安在矧公才學過人遠甚雖欲忘世而世不我忘晚節功名直恐不免耳此亦足以見其人云

鄭士顙其先本滎陽南祖房至宋時有仲老者因避亂居本縣羊亭移風鄉生德廣德廣生起龍治詩以嘉定七年貢生不拜官歸有子三人士顙其季也字茂叔行十六母沈氏生丙申年六月一日旣九歲受詩於父深通義類理宗寶祐四年丙辰科一舉省試聖人之道齊萬物賦五月甲寅試策賜文天祥等進士及第凡五甲六百一人士顙登五甲第六十人官大理寺評事卒有子二人興旺生元政元政徙七寶馬頭團生文亮字德旻年十九明經豐幹玉立登洪武十五年人材科少年罷

京山縣志

卷之十一

宦蹟列傳

七

歸明年科舉之制大定復治制義永樂初年錄先朝雜科文亮赴京選山東齊河丞在官七年清惠有政詳齊河志碑記中十三年乙未陞安南府判同官令尉釀觴送行有金華童紳者爲文稱公廉雅比於唐之崔斯立云後自安南歸年七十宣德八年乃卒

章志

元

程鉅夫名文海避武宗諱以字行京山人世祖時屢官集賢直學士奏陳五事取會江南仕籍通南北之選立考工厯置貪贓籍給江南官吏俸朝廷多採行之拜侍御

史求賢江南薦趙孟頫等二十餘人帝皆擢用至元中
桑哥專政鉅夫上疏請清尙書之政損行省之權罷言
利之官行恤民之事桑哥怒奏請殺之不許出爲閩海
道肅政廉訪使至大中爲翰林學士承旨皇慶中詔議
行貢舉法鉅夫言經學當主程朱文章宜革宿弊後以
病乞歸特授光祿大夫給驛南還卒贈大司徒柱國追
封楚國公諡文憲 元史本傳

聶懋白陽人仕元爲肅政廉訪使法令振肅所至有聲
明

京山縣志

卷之十一

宦蹟列傳

八

唐本忠其先監利人幼聰哲厲志問學有鄉曲之譽元末
倪文俊起沔陽遣使召之本忠知其無遠畧拒不往避
入京山子陵村家焉明洪武初舉經明行修授京山教
諭陶育士類有初始之績後以事免歸

張倫字伯叙洪武初舉經明行修詣闕以母老辭歸再舉
孝廉授本縣訓導居官敦樸有師範勤於訓誨在職十
有八年是時禁網嚴密倫久仕無間言士類頗以爲難
馬瑛洪武庚午舉人生而敏博少有才名中鄉試第二先
是唐奉先亦舉第二入朝楚莊王王問之曰汝縣復有

才俊如汝者乎奉先以瑛對至是果與奉先名第同後授九江教授甚有當官之譽然非其好也竟罷歸

張從道字質德郢人周文其父同官也名知人深器重之明洪武丙子領鄉薦通判廬州歷兩考以清慎聞高帝遣使賜羊酒勞之擢知徽州按誅豪猾郡中清靜以憂歸服闋補永平興立學校郡人從化時比年傷水災民多流殍從道應時聞奏不待報而發倉粟以賑之全活甚眾郡界逼接遼海守邊吏士糧饋缺乏乃陳便宜令四方商旅納粟償以斥鹵詔從其議嘗有寇掠郡境軍圍堅壁不敢出從道單騎率吏民追之寇呼曰張太守來矣還所掠而遁官終山東按察使

萬安正統中由歲貢授河間府通判遷本府同知有才幹兼著清節再遷處州府知府加叅政俸有政聲

李灝字德廣父忠爲安陸州人冒姓覃徙京山生灝以正統中歲貢授兵科給事中逾年轉都給事景泰元年擢南工部侍郎四年上書復姓勅總京儲兼理屯政天順元年左遷貴州叅政八年遷貴州左布政使成化二年晉右副都御史巡撫貴州四川大壩彝亂統兵征勦所

向克捷五年致仕歸卒諡忠肅或云灝卽姚善後

嚴誠字克誠貌修偉而語音特輕清正統甲子解元戊辰

進士授兵科給事中在職有直聲舊志景泰六年四月特

節封琉球尙泰久爲王明史琉球列傳旋至金陵病卒舊志入祀

鄉賢祠

唐素景泰癸酉舉人知崑山有殊政官舍園中種茄夏月

以醬漬之諸子每食人給一枚其清儉如此徵爲南京

廣東道御史羸馬敝衣而已季子儼髻齡中式都御史

以楚錄示素素亦無喜色人服其量官終廣西僉事

京山縣志

卷之十一

宦蹟列傳

十

黎永明字光亨景泰甲戌進士歷南戶部郎中遷順德知

府吏事練達操履清貞郡治前建清風樓人以爲不忝

後有中貴人經過橫恣永明撻之數十中貴以聞械至

京師謫夔州同知卒永明生性孝友官中所得俸祿不

先奉其親不敢嘗父死廬於墓側居順德日兄永昌爲

山東斷事過署自駕三十里迎之禮甚肅兄爲人負氣

至府第堅臥不起永明屏氣俟戶外至長跪謝罪乃解

其恭慎如此

鄒傑字文伯其先南昌人八世祖徙居京山傑少有志行

補州學生苦節自持獨處齋舍十餘年冬夏不近爐扇
屢舉不第天順中以歲貢授廣東知縣單騎之任其治
以平易惠愛爲本自奉甚菲薄廳事後雜植花卉簿書
之暇輒引賓客嘯咏其間監司皆善其理狀郡太守書
政在養民四字褒之歷九載歸不赴調屏居山中布袍
糲食閨門雍肅先疇百畝嘗躬耕之有餘則以贍貸隣
里時論歸焉嘗有監司過而訪之賦詩有脫粟飯三盃
無鹽菜一瓢之贈年九十餘卒

孫衡字平伯成化乙酉舉人授萬安知縣縣好爭訟衡剛

京山縣志

卷之十一

宦蹟列傳

十一

毅有清操頽俗爲之一變三載秩滿免歸

夏昌字元泰成化戊子舉人授新津知縣舉劇調江津有
美政

杜榮字彥潔成化丙午舉人歷南昌嘉興二縣有治劇之
才號稱職

張墩從道子字廷和幼傳家學爲諸生有才名以成化丙
午舉人授夏津知縣在官廉勤百姓愛之尤加意庠序
修飭學宮後被疾自題屋壁以受任安民爲念民至有
就榻前陳公牒者郡太守遣醫視之卒不起沒後篋中

惟紡績布二十餘端祇候銀七十餘兩廩生姜鴻以狀
白府資給之始能歸祀夏津名宦

王希旦字景伯其先兗州曲阜人穎悟過人兄遣從同里
羅期期爲宿儒一見異之曰他日必爲偉器稍長有督
學使者臨縣聚鄉子弟卽泮宮立試之唱對曰泮池水
暖魚龍化希旦曰宮殿風微燕雀高使者稱善遂補弟
子員以成化丁未進士授南京大理寺評事進寺副治
獄多所平反遷廣東僉事歷按四道所至招撫流亡捕
剪寇盜政績爲嶺表臬司之冠後瓊南黎入叛抄暴州

京山縣志

卷之十一

宦蹟列傳

三

縣大軍征討希旦與其役區畫有方所向克捷當事者
方議上其功而希旦亦考三年最瀕行遇疾卒於官

袁佐字國佐本姓劉四世祖改姓袁佐有才名屢舉不第
有從佐受學者皆薦達而佐猶偃然諸生頗恚恨於是
益攻苦中成化丁未進士除內鄉縣令佐機鋒敏捷有
斷才政事超卓一時居內鄉六年召爲御史出按廣西
政尙精察僚人畏憚已而遷陝西僉事以憂歸

王大本字立之弘治壬子舉人除潁上令爲諸生時才名
藉甚典學薛公嘗曰景陵魯生京山王生并湘湖奇士

也魯卽文恪公鐸王卽大本薛每按縣稽核諸生輒使
大本代臨其見愛重如此治績有惠政百姓德之日進
諸生論說古今恥以簿書期會見長未幾謝歸囊琴襪
被不携官中一物自言吾居官三年使士民呼我爲清
白吏所得多矣頴上至今頌焉

周倣字以成弘治戊午舉人授台州同知吏道精絕飾以
儒術數年病歸放志詩酒子琬兵部右侍郎孫延馨甲
午舉人

黎奭字師召永明少子父卒時奭纔七歲頗有貴介之致

京山縣志

卷之十一

宦蹟列傳

三

已而折節讀書中宏治乙卯舉人正德辛未進士拜禮
科給事中是時江西盜起都御史陳金討之不能盡賊

奭劾金乃詔金還

明史陳金傳

又與大理寺燕忠治李夢陽

江萬實相訐獄得實

明史鄭岳傳

遷南京通政司叅議南中

清議嚴峻仕途所畏奭規模濶大時以爲偉居十餘年
不調先是喬白巖公亦官南部奭與之友善後喬官冢
宰奭絕書紀一無關請至嘉靖初始遷通政轉順天府
尹工部右侍郎時張羅峰爲相執魁柄與奭有布衣交
爽僅刺謁來還不失舊誼而已遷兵部左侍郎歸後十

餘年卒

裴椿字永年爲州庠生嘗試高等讓廩不受後偶落應試外學使廉知讓廩事遂移置試額是年與鄉薦正德丙子也除長洲教諭有賢聲徵入爲南京戶部主事以憂去再補戶部累官至延平守卒於官

胡偉字邦奇正德辛巳進士授永新縣令時有例料田諸郡邑具文書而已偉獨奉行惟謹因地定稅因稅立徭於是賦役平均流亡復業百姓稱便在縣六年遷知潁州其治頗倣永新潁人亦愛之然賦性純恪不肯媚趨

京山縣志

卷之十一

宦蹟列傳

古

以邀譽當事者雖知其賢不甚推引居二年謝歸

王橋字汝濟嘉靖丙戌與弟格同成進士橋除錢塘縣令在縣三年賢聲冠浙中召爲陝西道御史巡視北城紀令明肅爲權貴所忌方視權淮上落職判鄧州盡心吏事居五年始移淮安通判署府事遷南太僕寺丞進南戶部江西司郎中出守慶遠却苞苴振廢滯與柳州諸郡合兵討里隆諸溪洞蠻有功拜金帛之賜秩滿進河南副使去郡之日男女遮送刻石紀思在河南威令峻飭遷廣西叅政典糧儲黃籍二事門無稽務桂嶺間甚

稱之未幾進本司右布政使入覲道遷左使事畢言者
以年衰列上罷歸卒年六十七祀鄉賢祠

王格字汝化號少泉嘉靖丙戌進士選翰林庶吉士與同
館吳陸浚明華子潛表永之越屠文升秦趙景仁同負
才名館閣體爲一變時楊文襄張孚敬不相能而諸吉
士私議大禮常左孚敬文襄請投諸吉士史臣若臺省
官孚敬執奏不可格坐是出知永新縣尋擢南戶部主
事轉員外監兌蘇松陞四川僉事補河南僉事分巡河
北會世宗南巡至衛輝行宮火火自內發於外無預而

京山縣志

卷之十一

宦蹟列傳

十五

先是中涓索撫臣賄格扼魁項何物細人當輦下辱大
臣中涓流言旨下逮格及撫臣等杖而歸田非其罪也
又十年巡撫聘格與隨州顏維喬黃州王雅欽同修興
都志書成受金帛之賜穆宗初朝臣請錄叙耆舊格年
六十有七不欲煩以事特授太僕寺少卿致仕里居五
十餘年吟咏著述至老不衰著詩文百卷樂府型範古
詞古風醕厚似魏晉律詩清潤秀逸稍似高岑亦時作
杜語而善藏其迹京邑三百年文獻格實造草昧矣格
於同邑之李維楨爲大父行序格集有云方今詞林以

吳王元美爲宗元美生先生登第之歲每貽詩及楨輒
曰有先生在未可輕試所爲推許敬慕殊甚序載少泉
集中嘗遊峨嵋遇道人韓飛霞授吐納服食之術晚年
鬚髯如戟腰帶倍人奉詔存問者至再卒之前期間周
元公父入祀學宮喜而爲之紀已夢伏羲有熊二帝召
爲九日飲促家人視日早暮俄大星隕格遂卒享年九
十有四崇祀鄉賢祠

周琬字潤夫京山人寄籍應城父倣台州同知琬嘉靖乙

酉舉人壬辰進士

縣志選舉表

知永嘉縣入爲吏科給事中

京山縣志

卷之十一

宦蹟列傳

六

剛正不撓世宗南巡疏擊權貴廷杖

通志謫鎮遠典史

稿張

起知婺源縣

通志

累官僉都御史巡撫蘓松諸府疏

陳禦倭有十難又有三策嘉靖三十四年朝議以倭寇
猖獗改張經右都御史專辦討賊明年論死繫獄卽擢
琬兵部右侍郎代之會爲趙文華所劾奪琬俸尋勒爲
民琬在官僅三十有四日

張經傳

潘廷臯字述堅嘉靖辛卯舉人七舉始獲鄉薦授南昌通
判臯性嚴整舉動端重自家居時杜門力學不妄過從
及佐劇郡殊違本性言論行事往往堅持素操與秉權

者齟齬僅三年解職歸

李九鼎號桐野由歲薦中嘉靖丙午應天舉人授尉氏令
值土賊亂九鼎嚴團練勦除課最遷彰德府判尋調吉
安致仕歸

馬乾元字健之嘉靖中以貢任郊縣令賢明有聲歷南太
僕丞遷靖府長史歸僅圖書數卷而已少孤事母孝產
悉給兩弟弟亡撫養孤嫠族有不馴者則繼以杖

馮邦政字克治嘉靖中歲貢授清河令潔已愛民會直指
索賄不與竟報以詩忤直指意遂解綬歸

京山縣志

卷之十一

官蹟列傳

七

黎遵訓號漢門嘉靖丁未進士授南戶部主事歷官知潮
州府調松江所至有廉績松故事太守升堂民日以一
綉爲守坐具遵訓嚴禁絕之後遂無敢設者其他政皆
如此擢雲南副使卒於官

王宗茂字時育號虹塘嘉靖丁未進士爲御史時相嚴嵩
秉政乃劾嵩負國誤主八大罪僉劾其子世蕃與其黨
萬案不法狀疏上謫平陽丞在任務爲精勤盡職不少
見遷人態昭雪良民爲島寇者三十餘人尋以內艱歸
後上用御史言斥相嵩戍其子而宗茂以憂憤卒日卽

嵩罷與子戍之日而宗茂不及知也當屬續語不及私
惟日上活我無以報上恩妻子環泣請訣正色曰卽某
不肖而終兒女子手邪手揮扇自若頃之目遂暝王元
美弔以詩云漢賊不兩立臣死安足辭惟憐請劔憾猶
鬱蓋棺時喬木風霜古宸章日月垂今朝南史筆無忝
太邛碑後卒之三載上僂嵩子籍其家嵩亦尋死至隆
慶初贈光祿寺少卿

董良卿字元亮嘉靖己酉舉人除夾江令採木事興良卿
令民出錢募土商運之尋遷鞏昌府通判晉同知卒於

東山縣志

卷之十一

宦蹟列傳

六

官弟良遂字元顯嘉靖戊午舉人除嘉州學正遷高涪
令邑多訟師日持有司長短莫敢問良遂廉得其魁治
之里胥歲供上官器用良遂力禁駟僮非時索價又歲
省輸賦者私費數千金高涪人尸祝之卒於官

李淑字師孟嘉靖庚戌進士

據國子監
題名碑

相嚴嵩曰聞楚有

才士李某者吾鄉人也能一見我乎淑遂巡謝弗肯往
以故當射策夏太宰邦謨奇而薦之鼎甲嵩固下之

淵鑒

類函干謁類引
明詞林人物考

授主事及爲浙江僉事有破倭功又格

於趙文華乙丑以河南左叅議督糧儲陳臬東充遷廣

西右布政癸酉告歸養八年卒祀鄉賢

高岱字伯宗嘉靖丁未進士歷刑部郎喜衣敝垢同舍郎多誚之會主事董傳策張紳給事中吳時來劾嚴嵩父子不法狀詔建獄將置重典岱請大司寇鄭曉輕之止得戍邊復爲治裝送之又爲詩哭楊宗愨嵩聞而啣之會景王之國諷銓曹出爲長史辭朝賦詩有欲瞻袞冕知何日暫立鵷班只此時之句著有鴻猷錄樵論楚漢餘談西曹集弟啓字叔宗嘉靖丙辰進士兵部武庫司主事與弟學俱有才名皆教諭節子也當時稱三高比

京山縣志

卷之十一

宦蹟列傳

十九

三蘇云

胡宗洙字師孔嘉靖壬子舉人除晉甯令陞北錦衣經歷晉戶部郎監太倉銀庫得羨金二千悉入之內帑歷福建延平知府解組歸年七十五

劉侃字正言嘉靖癸丑進士任戶部郎管稅廉正有聲轉蜀成都守平薛兆乾之亂陞洮岷道西土賴以甯謐轉黔臬官至福建左布政使致仕人稱其居官惠而不茹治家嚴而有法

胡宗洵字師蘇嘉靖辛酉舉人除嘉興府判累官順天涪

中叙州守有惠政擢四川副使兩載乞歸年七十有二
郝承健號玉吾嘉靖辛酉舉人授嘉定州學正萬曆丙子
聘校京闈得士十四人遷肅甯令二年左遷歸不復言
仕母促之赴調過舊治三十里止舍村落人羅拜城中
夾道而趨留三日祖帳相望抵都門調保定右衛經歷
頽垣破屋以文史自娛聞母喪遂奔晝哭於途夜哭於
次倚廬三年卒承健貌俊偉豐頤而修幹著作不喜雕
刻如其意之所之遺草存者僅十之一載山草堂集中
王宗載字時厚號又池嘉靖壬戌進士授海鹽令問民疾

京山縣志

卷之十一

宦蹟列傳

三

苦省刑薄稅濬水利修理海塘靡不精心悉慮嘉興府志行

取廣西道監察御史巡視北城嘉靖初承天府屬皇莊

中貴人專理守陵太監肆煽威虐徵求土貢陵輟州縣

郢府梁府設奉祀元佑宮增道官守陵添錦衣衛均大

爲官民之害宗載抗疏陳五事一曰革莊田以舒民困

二曰裁冗員以肅官常三曰定經制以清冒濫四曰正

進貢以省科派五曰正事權以絕弊源上皆報可積蠹

爲之一清以上俱本縣志如潛江之罷貢香稻卽其一也本潛江萬

志歷縣出按閩中已而視京營晉大理寺右少卿舊志隆慶

中宗載請停免上供加派銀兩未行神宗立詔免之本

史食貨志上

供採造條 萬曆四年以僉都御史巡撫江西轉左僉

都御史罷歸年八十二卒子綱字幼振家世顯貴而持身端謹中年棄去諸生圖書自娛見人善則贊嘆不置里巷咸敬憚之卒年七十有四孫百揆字天納能文章尙氣節康熙元年壬寅恩貢

屈策字維勝隆慶丁卯舉人授中州學正結社較藝轉永城令不善事當路未幾復優游林下四十餘載年九十餘卒

京山縣志

卷之十一

宦蹟列傳

三

李維楨字本甯父淑福建布政使維楨舉隆慶二年進士由庶吉士授編修萬曆時穆宗實錄成進修撰出爲陝西右叅議遷提學副使浮沈外僚幾三十年天啟初以布政使家居年七十餘矣會朝議登用耆舊召爲南京太僕卿旋改太常未赴聞諫官有言辭不就時方修神宗實錄給事中薛大中特疏薦之未及用四年四月太常卿董其昌復薦之乃召爲禮部右侍郎甫三月進尙書并在南京維楨緣史事起用乃館中諸臣憚其以前輩壓已不令入館但超遷其官維楨亦以年衰明年正

月力乞骸骨去又明年卒於家年八十崇禎時贈太子
太保維楨弱冠登朝博聞強記與同館許國齊名館中
爲之語曰記不得問老許做不得問小李爲人樂易濶
達賓客雜進其文章宏肆有才氣海內請求者無虛日
能屈曲以副其所望碑版之文照耀四夷門下士招富
人大賈受取金錢代爲請乞亦應之無倦負重名垂四
十年然文多率意應酬品格不能高也

明史本傳

孫鳴教字道卿與兄鳴治並隆慶庚午舉人初授惠州府
司理累官淮安郡丞年五旬免官歸家居二紀卒

京山縣志

卷之十一

宦蹟列傳

三

魏良知字師堯隆慶辛未進士除西安令西安賦煩多盜
良知修保甲練鄉勇使民自扞西安大治以鯁介忤上
免歸

馬政字君牧萬厯初以貢爲麟遊令廉績茂著以季子呈
鼎中鄉試卽乞休父老遮道攀留不得行遣子泣詣當
道方解組歸山居二十餘年教子課農裘足城市年八
十一卒

王階字震吉萬厯癸未進士初授行人厯任戶部郎中上
疏條陳文武利弊如聘廣文典試以復祖制禁掌篆正

官勿與場事以防正務裁解京冗錄以惜財用減閱試諸差以裕邊儲大司農蒲坂楊公閱而心折之監允蘇松諸府漕糧臨清倉場先後積羨一千三百有奇具疏上之遷漳州知府卒於官

譚完字伯趙萬厯乙酉舉人官許州學正庚子聘順天分考遷銅仁司理完性剛直清白自矢有土司欲脫重辟投以金諭慰而卻之時播亂初平完安戢流亡甚衆久之移同知臨洮清操愈厲有縣令遺扁鑰一積署曰某書完受之啟櫝則粲然金壘一具也完怒遣吏送還又

京山縣志

卷之十一

宦蹟列傳

三

嘗攝鎮遠府半載新守將至視帑中約千餘金吏白此耗羨宜歸私橐者完不納後因署篆鞏昌往謁分司病作遂卒於坐僚屬爲具合殮資其路費櫬乃得歸

王宗葵字良川萬厯丙戌進士授行人以封王奉使河南陝西皆以清慎名厯任禮部儀制司主事具有正三綱建儲疏聲滿中外後因同官失誤東封削歸里後以人才薦者數次泰昌時起補原職乞致仕溫旨不許尋遷尙寶司卿致仕年八十有一

夏崇謙字無咎萬厯戊子舉人除廣文遷巢縣令巢湖歲

決爲災堅築之後遷徐州苦河決當事者推爲功首尋病乞休

王頌字士直號青島萬厯戊子舉人授巴東諭庚子分試中州拔元得名士轉南溪令邑徵賦無法頌置忠孝廉節四匾令細民署名投之官無奇羨里胥鮮侵隱者搯囚之役頌轉餉於道有積尸浮江而下懸賞格瘞之劇盜嚴正卿嘯聚山谷頌首縛之平其餘黨以外艱歸老稚哭聲震郊服闋除蒙自令開水利灌田數千畝邑人刻石題曰王公渠攝郡者修頌郤左遷華亭丞署篆青

京山縣志

卷之十一

宦蹟列傳

三

浦遂卒臺察與郡紳爭致賻始得輿喪而歸其清苦如此康熙三年與子應鼎同崇祀鄉賢

馬呈鼎字定甫萬厯戊子舉人授遂安令均徭畫一民困大蘇於豪猾一無所貸境內肅然尤加意作人如書田方公孺初毛公皆所識拔遷亳州守政令悉如在遂安時崇祀名宦鄉賢

魏宏政號敏菴萬厯戊子舉人除懷甯教諭陞建德令尋轉工部主政厯營繕司郎中後晉四川遵義知府厯仕有政聲免歸年八十

方遂號鳧陽萬厯己丑進士除戶部主事厯陞廣州知府
中使採珠開鑛驕橫無狀遂置羣小於法直指因遂守
正議論不合乘間叅之調池州旋調開封池人疏畱之
袁樞字斗一少負才名年十九領萬厯辛卯鄉薦中辛丑
副榜署商河諭陞巢縣令潔已愛士一時人才多所造
就如詞林王琨樂陵史高先新城王象巽皆其首拔士
也人咸服其藻鑑蒞任甫九月而卒

潘達字劇驂萬厯甲午舉人除成都令三載轉同知西安
所轄遼澗俗多頑梗達單車撫循礦賦屏息兩解邊兵

京山縣志

卷之十一

宦蹟列傳

三

至山海關甲仗精整紀律巖明經略熊公器重之擢工
部員外未幾辭疾免歸年七十六卒姪廉才字月嶠賦
性陶然自樂所至必以一樽相隨每日酒中有深味勿
爲醒者傳順治己丑廷試授學博值開嶺南吹知始興
縣履任三年民咸德之解組歸益豪於詩酒年七十有
一卒

胡其慥號石廩萬厯甲午舉人授樂昌令入爲北司城擢
刑部主事嘗擬擊一案將興大獄慥謂罪止首犯不宜
累及無辜司寇躓其議侍御劉公貞一建言被逮慥奉

命擬罪雖經駁擬慥堅執初議出守武定漢獠雜處部
內有楊維楫董漢賢包藏不測欲爲寇應慥以計擒二
賊橫塘一戰斬馘千餘督撫按奇其功交薦之晉雲南
右叅議值草賊嘯聚攻掠城堡慥計畫梟其渠魁羣從
潰散遷貴州叅政請歸家居絕迹干求坐一室優游文
史至七十有三乃卒

王制字幼度萬厯甲午舉人屢副南宮有才名署上海諭
遠近問業者鱗集旋除龍門令時粵彘盤踞香山爲崇
墉截堞總督何公檄制毀其城垣制單騎馳往諸倭愕

京山縣志

卷之十一

宦蹟列傳

三

貽不知所自咸震懼無敢迂竟折香山澳何公嘆曰我
知非公不能墮此城也尋遷涿州守以丁母憂歸林居
二十餘年卒

屈仰之字景韓萬厯甲午舉人初任確山會大饑遍賑之
再任泗州值奉祀官朱自新憑寵僭逆仰之廉狀上當
路比勘正辜遂挂冠歸里年六十一卒

曾之肖字夢弼萬厯乙未進士授隆昌令邑當孔道值取
蜀才庶務畢舉期年卒

劉蘭字九畹萬厯戊戌進士除南充令舉卓異調咸陽召

拜浙江道御史巡下江丁內艱歸家居十載光宗立仍以北臺召時軍需不給戶部加派畝餉蘭疏請除山澤塘堰屋廬外起科得減五分之四舊志天啟初客魏用

事蘭疏請遣客氏出外不報明紀御史鄭繼芳誣劾王

元翰奸賊其黨劉文炳等並攻之蘭與史記事胡忻輩

連章論救帝悉不省明史王元翰傳尋掌河南道晉太僕寺少

卿因奉差還里捐千金修學宮年七十九卒

胡士龍字九鍾萬曆庚子舉人除建甯令建邑僻處山谷民不知法龍作好人歌以勸世挽舟歌以懲訟建邑有

東山縣志

卷之十一

宦蹟列傳

三

往日正山暗今朝古月明之謠林下二十餘載屏迹城市舉鄉飲大賓著有經書一得篇行世

周士顯字思皇萬曆辛丑進士除建陽令政暇課士書院訪朱紫陽蔡西山後裔建立祠田丙午分校閩闈旋擢吏部乙卯典試中州丙辰分考禮闈鶴胎林公出其門尋罷歸家居優游林下二十餘年卒姪卜世字以滋以貢授訓導遷懷遠令薦陞同知未任卒

李鍾元字見心萬曆辛丑進士知陝西興安州下車卽力求所宜興除以紓民困常單騎咨訪屬邑議賑議蠲上

於所司皆得請州有大盜固結數十年鍾元視事三月
卽捕獲渠魁其黨千餘悉解散良民董邦枝無大故而
一家定九辟鍾元爲解之得未減邦枝率老幼焚香泣
拜於庭鍾元曰賴上司神明昭雪於我何與也癸卯分
考秦闡甲辰覲還卒於官子滋白號青蓮由歲薦除興
國州訓導以撫勦流土監軍沔上署印安鄉未朞還里
性清介剛正居官能不愧父風晚年詩文自娛布袍蔬
食淡如也年七十一卒

熊臨渭字望甫萬厯壬子舉人初爲安陸諭遷國學陞刑

京山縣志

卷之十一

宦蹟列傳

天

部司務晉主事丁母憂歸起補戶部奉旨發帑金賑饑
存二千金竟還內庫卒於官楊君鼎熙爲經紀後事始
得歸葬

晏善成字叔章萬厯戊午舉人授仙遊令擢福州郡丞晉
應天治中會六合修城善成董役叙遷南刑部員外郎
未幾謫歸

田安國字元常天啟辛酉與弟寓國同舉於鄉安國厯貴
溪彭澤江浦令所在有聲遷漳州丞擢雲南守以疾歸
寓國初任澄邁令搏擊豪強不肯稍貸尋調滕縣滕故

寇藪增埤濬濠撫綏賊黨充東以甯加充州監紀棄官
僑居於杭竟卒

李樹聲字元修崇禎丁卯舉人授濰縣令陞保安州守抵
任吏獻例金樹聲卻之先是樹聲燬圖籍部檄清覈眾
持五千金請上三分之一樹聲曰受賂罔上我不敢爲
歲稔賑饑全活甚衆竟以慇直坐免卒於任

國朝

馮世祿字半石號聖蘋生性穎悟勵志攻苦甲子副榜

本朝由明經授漢陽學博膺薦剡擢國子監典籍陞刑

京山縣志

卷之十一

宦蹟列傳

三

部司務忠厚愷惻造福於平反者甚衆己亥終於京署
庚子祀鄉賢甲辰祀漢陽名宦所著有佛指山房嫁裳
集春餘草惜廢於兵燹未廣其傳壬午章邑令延修縣
志其一端也

王吉人字孚伯號樸菴性沉靜寡言笑博洽條貫著述備
美而制藝尤工嘗云士非制藝無由仕進非仕進無由
達道匪僅爲溫飽計也故其文章明理會心出一言實
可闡經翊傳順治壬辰以選貢入雍大司成擢冠各省
國士遇之丁酉北闈中式戊戌成進士簡授庶吉士應

制詩文輒稱旨常從容語大臣王熙曰王吉人真文章
作手己亥會試簡充同考官所拔悉名宿甯爾講李爲
霖李平並入翰林咸服冰鑑辛丑晉編修封徵仕郎乙
巳假沐還里丙午郡守屬修安陸郡志丁未還朝遇
覃恩加封承德郎戊申與修

世祖實錄受事入局素癯善病是冬病於燕邸年五十有
六在翰林十一年肆力正學羽翼斯道風節文章蔚爲
時望所著有陰騭類訓濮園集燕臺書懷唱和諸集傳
於世子懋夏字東濮太學生勤學善屬文著有愛竹園

東山縣志

卷之十一

宦蹟列傳

三

詩集孫偉號西漁庠生亦以詩名

王演字鹿柴青浦令頌之孫應符之子順治初以副貢生
選四川遵義府通判陞大理寺副謝歸作悟園於鳧山
下著書自娛康熙十二年縣令吳游龍重修縣志延之
與尙登岸盧前驥司其事時稱良筆

秦嘉系字公緒順治初貢生赴京考選零陵陳公純德以
御史殉甲申之難楚人瘞之湖南會館側嘉系以貧士
訓蒙京師積館穀三十餘金買地於永定門外葬之立

石表其墓其高義如此

見朱彛尊日下舊聞引高祐鈿燕薊雜錄九年選授

浙江海甯知縣發奸摘伏綱紀肅然先是里中宿蠹巨
慙抗賦窩藏通洋匪實繁有徒嘉系窮其根株剪其羽
翼民害始息開浚市河修學校葺邑乘建義冢清豪佔

吏治稱最焉

浙江通志

著有海昌初政錄

天門縣志

盧前驥字希乘號條麓十歲能文見賞於學使李寶菴先
生登癸卯賢書癸丑成進士除甯海令治尚廉平建義
學賑災黎豁丁恤竈平賦甦民實政俱載碑乘又修方
正學祠卹其後裔丁卯分校浙闈所獲皆名宿居官三
載舉卓異遷蘭州牧以慈惠稱因母老乞養鄉居十年

京山縣志

卷之十一

宦蹟列傳

三

與修縣志平時順親信友睦鄰贍族里中稱廉吏稱孝
子馬卒祀鄉賢子彤錫歲貢生胞姪嘉錫孫漣曾孫本
德元孫逢盛逢熙弟孫志中仍孫大鍵俱庠生仍孫大
鎧歲貢生大鏞副貢生

尚登岸字未山順治辛卯舉人任蘄水學正巳酉應江闈
聘得士十一人登康熙庚戌進士授江南宿遷知縣宿
不產米運必徵米民病之登岸力申請題易徵粟至今
稱便遷山東泇河通判遷淮安府宿虹同知總河靳輔
委以河工建宿遷縣城北欄馬減水壩并開支河水十

道實心實力身肩其勞名曰欽工惠政橋其碑記見來
山文集尤豪於酒耽吟詠靳總河嘗以李太白目之年
六十八卒於官祀鄉賢祠宿遷人名宦祠先是邑令侯
康民陞山西蒲州登岸偕往與修州志後遊浙之武康
修縣志直隸修大明城記康熙十二年修本邑志其文
章尤見一斑云長子鑿廩生次子遠增生三子聲庚午
舉人考授中書四子寧附監生捐州同投効河工受總
河張鵬翮之知署安東縣海州題授山東汶上縣雍正
七年陞河南南陽府通判均載尚氏家乘元孫正庠生裔孫楠

京山縣志

卷之十一

宦蹟列傳

三

貢生楨庠生培庚培仁培源培丙俱庠生仁於道光丁
酉已擬中因策內訛字見棄友教一時邑中俊彥多列
其門書法尤精二王其子濟川候選訓導

田介字眉孫貌修偉出羣饒有材幹中順治丙戌鄉試初
授河南唐縣令時天下初定荒殘未起介拊循招撫流
亡樂業補獎舉廢治具畢張丁內艱起復廣西之修仁
其地獐狃雜處豪暴恣虐介駕馭有方恩威并濟境內
帖然廣撫深加優獎已列薦剡會以疾卒於官所著有
紫雪堂詩集數十卷崇祀鄉賢

王瑞泌字鄴侯以諸生入監任山東鉅野縣丞年已七十餘至八十致仕歸眼見孫敬求登康熙乙酉賢書始卒李如闇字殊下丁卯解元署零陵教諭卒年五十四

熊繹祖字定思號東山幼事父母極孝十齡能作草書雍正乙卯選貢乾隆丙辰

朝考一等以州判發直隸試用委開保定大道旁河捕蝗如法民供生位於蝗神廟繹祖聞而毀之十年陞三河縣知縣十四年陞薊州知州時

高宗駕駐盤山繹祖屢蒙

京山縣志

卷之十一

宦蹟列傳

三

召見

上語傳文忠公曰熊繹祖好似我滿人班第後即呼姓名不忘十五年陞天津知府十九年陞山東登青菜道正已率屬造就多士二十二年調廣東南韶連道韶有未經申轉之民墾山地四千餘畝繹祖詳准奏題賞給窮民免其徵稅韶民大悅旋調肇羅道驛糧道二十八年陞見

上語諸大臣曰熊繹祖滿面正氣總督蘇昌說他人品端正果然不謬次日

召見南書房

詢地方事繹祖奏對稱

旨旋陞貴州按察使兼署布政使三十年因廣東糧案被議落職三十五年赴京恭祝

六旬萬壽

恩賞大緞荷包三十六年赴京恭祝

皇太后八旬萬壽

賞加道銜歸里主講塗山書院四十九年奉

詔

京山縣志

卷之十一

宦蹟列傳

三

朕得慶元孫查天下五世同堂者奏聞繹祖適得元孫名登遠呈報

恩賞杖朝集慶匾額時人榮之五十二年卒壽九十二彭禮南號璞巖以供事選江西瑞州府經歷歷署安遠長甯上高新昌高安浮梁瑞金吉水諸縣邁疾卒

易履泰字旋吉別號眉川庚辰恩榜中式授石壇教諭尋遷漢陽府教授以截取選廣東廣甯知縣在任察奸摘伏除弊興利善政聿昭暇輒整厲學校獎拔單寒士習因而丕變後以攤賠通省無著欠帑予告歸家居十載

保節闡幽好善不倦著有果能堂初集已刊行二集並
果能堂語錄待梓年七十八卒

易鏡清榜名本杰字煒南履泰長孫也幼有神童目二十
二舉於鄉二十六成進士授中翰選內閣侍讀累充國
史館分校方畧館總校文淵閣檢閱分校京兆試得士
最盛越四年遷浙江道監察御史巡視北城旋署刑科
給事中簡放慶陽府知府歷權平慶涇西甯甯夏道頗
著政績以俸滿入覲返歿於蘭州公寓入祀慶陽名宦
黃理字豁樓嘉慶辛酉拔貢就職直隸州州判歷署直隸

京山縣志

卷之十一

宦蹟列傳

三五

涿州知州欒城贊皇平山等縣知縣補授正定府經歷
後以故改授房縣教諭著作繁富

鄧宗德小東門內人由吏員於嘉慶元年堵勦白蓮教匪
軍功授陝西漢中府照磨陞興平縣尉歷署鳳縣洋縣
西鄉縣甯羌州補白水縣知縣在陝二十餘年著有解
頤集皆秦省唱詠事也復自銘虛心體理實心任事小
心約已誠心待人寓精明於渾厚以淡泊絕紛華居官
處世無往不宜數語於座右以示子孫解組後兩袖清
風林居二十三年古道照人誘掖後進人多敬之邑人

曾憲德題其書室曰味言齋壽九十有二亦人瑞也

查文經字耕六一字少泉東城內人道光壬午舉於鄉丙戌成進士授戶部主事陞員外郎派充則例館纂修官書吏多憚之十九年己亥科充順天鄉試同考官二十年欽派赴天津查案京察一等記名以知府用揀發江蘇補常州府二十一年調署常鎮道旋回常州任適英人入寇圍攻常州府城文經自捐廉貲勸民登埤守禦一月有餘始解圍去至今民思之稱爲江左遺愛二十二年署蘇州府二十三年調補江甯府兼護鹽巡道陞徐州

京山縣志

卷之十一

宦蹟列傳

三

道二十五年署江甯布政使二十七年調淮揚道辦理海運二十九年因糧船回空遲滯被議三十年奉

旨調取引

見仍以道員用交軍機處記名 授福建按察使閩有溺

女之風婦女喪夫其家多迫之以殉文經到任後一概

嚴禁其風遂絕咸豐元年堵築豐工調補江蘇按察使

二年署福建布政使釐去幕友之弊調甘肅按察使仍

留豐工合龍 賞戴花翎復調江蘇按察使署理漕運

總督接管楊殿邦所帶兵勇駐紮揚州城南路之陳家

巷合圍揚州見平定粵匪紀畧四年丁母憂奉

旨穿孝服百日仍赴軍營嗣因淮河水涸鹽船不能行走
勸捐堵閉禮字河竭十晝夜之力卽已合龍請免議叙
六年辦理常州府防堵兼辦團練奉

旨督辦江南糧臺以專責成報銷事竣請假同治七年回
籍捐出田地三百五十餘石又地二十八塊柴山十八
形分別建立鳳山書院義庄家塾並捐入江漢晴川兩
書院田一百一十餘石資助膏火奉

旨查文經着賞給二品頂戴欽此著有木樨香館詩稿梓

京山縣志

卷之十一

宦蹟列傳

三七

行同治辛未卒壽七十有六子道銜查明書因直隸勸
賑捐銀一千兩奉

旨查文經准其建坊給予樂善好施字樣欽此孫大濬江
蘇候補布政司理問大治增生重孫伯崑附生

金謂鏐字秘卿號貢三道光壬辰科舉人乙未成進士授
四川綦江縣知縣歷署珙縣劔州崇慶州充丙午科四
川鄉試同考官拔士得元後告養歸里主講京山書院
者十餘年著有二泉堂稿梓行戊寅重遊泮水學使梁
榜以芹藻重香卒年七十有八子永源監生紹泗廩生

紹濬附生永淮候選照磨孫念椒念松念椽均在庠
黎鴻漸字吉六道光丁酉舉人授蒲圻教諭訓士有方推
誠與物至今蒲人猶思之值髮逆竄境蒲城失守被執
不屈死事 聞贈國子監學正世襲雲騎尉罔替無嗣
尙未議所襲

宦蹟列傳

孫良弼衡子明正德丙子歲貢授蒙城令首興學校成就者眾教民耕耨創濬溝渠嚴禁衙門弊竇百姓安業縣東通鳳陽止有南北西門往來不便良弼捐俸創建東門以疾乞假歸林居四十年屏人間事日檢秘方儲善藥以給貧者全活無算年八十九卒入祀蒙城名宦祠孫鳴世號龍峯嘉靖癸丑進士歷戶部主事兵部郎中終陝西按察司副使皆稱職嘗爲邦政書二卷防部吏私弊會倭寇閩浙及雲朔日夜籌畫底及蕩平 上賜金

東山縣志

卷之十一

宦蹟列傳

三

幣勞之萬曆四十五年奉表入賀萬壽暴卒襄邸趙安人哭以殉襄王知其賢命有司致祭具棺斂子庠生謀扶櫬歸入祀鄉賢祠

孫鳴時號鹿峯以鄉魁中會試副榜授南和令有政聲去任時民遮道泣留假歸有司請充鄉飲大賓不應無嗣抑鬱卒

孫鳴治號鶴峯隆慶庚午與弟鳴教同榜令新野屢奏最萬曆間遷南京四川道監察御史監試戊子文塲巡按倉塲江洋屯田馬政皆稱職以河南掌道建言請還直

臣姜應麟沈璟等疏劾魏國公徐不避權貴出知福建汀洲府奉冊立東宮晉亞申大夫奉加上聖母徽號晉大中大夫率子別駕鳳翥留心史學董修家乘至今碑版之文尙存

田天錫乾隆元年舉孝廉方正初授廣昌令惠愛有聲陞廣西新甯州知州子煜邑庠生選貴州布政司經歷